

JOHN M. CAPARROS

Lesson 2: Truth Claim, Counter Statement, Monologue, Scene

Exercise 1: Write your truth claim in paragraph form.

Naniniwala ako na ang mga guro lalo na ang mga nasa pribadong sektor ay may karapatan ding ibulalas ang kanilang mga adhikain, ang kanilang mga layunin, ang kanilang misyon na dapat sana ay malaya nila itong naihahayag. Subalit, bakit pawang ang mga administrador lamang ang laging pinapakinggan at nasusunod sa mga pamamalakad ng isang paaralan. Nagbubulag-bulagan na lamang ba ang Pangulo ng paaralan? Tuluyan na nga ba siyang nabulag sa mga matatamis at mapalabok na mga pananalita ng mga administrador?

Exercise 2: Write from the opposite stance. Make a point-by point contradiction of the truth claim you wrote in Exercise 1.

Naniniwala ako na dapat sana ay may pantay na pagtingin ang Presidente ng paaralan. Dapat sana ay pantay ang tinatamasa nilang karapatan. Sapagka't bilang tao at Katolikong Paaralan pa man kung ituran, dapat sana ay pakinggan din ang mga daing, ang mga hinanaing, ang mga adhikain at ang mga misyon para sa ikauunlad ng mga esdtudyante at maging ng paaralan na rin.

Exercise 3: Write a monologue in such a way the arguments you wrote in Exercise 1 and Exercise 2 seem to be debating against each other.

Maraming pagkakataon na ninais mo nang pumakawala sa sistemang bulok ng iyong paaralan. Ilang beses mo nang sinubukang gumawa ng resignation letter at maghanap ng mas maayos na paaralan. Subalit, nananatili ka pa ring nagtitiis na magsilbi sa paaralang iyan. Sa katunayan nga ay mag-iisang dekada ka na. Napaka-loyal mo naman pala. Akala ko ba ayaw mo ng sitema nila, akala ko ba galit ka sa adminstrasyong bingi sa mga hinaing ninyong mga guro. Bakit nga ba patuloy pa rin ang iyong pagsisilbi? Noong bago magkaroon ng lockdown ay napag-usapan pa natin ang iyong sitwasyon sa iyong pagiging guro. Bakas na bakas sa iyong mga itinatapong salita na may hinanakit ka sa paaralang pinaglilingkuran mo. Nabanggit mo nga lamang na no choice ka pa sa ngayon, unang-una kampante ka na sa pamamalakad nila-pamamalakad na bulok. Naidagdag mo pa na sinasakyan mo na lamang madalas ang kanilang mga palabas o pakulo. Isa pa kilala kitang may pagkatamad na mag-asikaso ng mga papeles. Makikipagbuno ka rin sa bagong sistema ng paaralan kung lillipat ka, hindi mo nasisiguro na baka mas masaklap pa

ang lilipatan mong paaralan. Sa pakikisama, alam kong lahat halos ay kaibigan mo na. Kaya naman kung lilipat ka, panibagong adjustment na naman tiyak para sa iyo. Basta narito lamang ako bilang isa sa mga kaibigan mo. Lagi naman akong handang makinig sa mga hinanaing mo. Ipagdasal na lamang natin na bigyan ka pa ng mas mahabang pasensya at kung talagang hinndi mo na kayanin, maaaring iyon na ang hudyat na tinatawag ka na sa ibang paaralan.

Exercise 4 - Make/create a scene talking about the topic (insert an object that will be used to bring out the topic)

Object: Laptop

Sa loob ng faculty room.

Abala si Joan sa harap ng kanyang laptop.

Biglang gugulatin siya ng katabi niyang si Ressy

Ressy: Jo---an!

Joan: Anak ka naman ng tinapa.

Ressy: Ano na naman yang pinagkakaabalahan mo?

Joan: Naku kailangan ko na daw kasi ipasa itong para sa practical exams ko.

Ressy: Naku wag mo na gawin yan, or next week mo na lamang gawin.

Joan: Kaya nga eh...badtrip...ito talagang mga amo natin dito kakaiba.

Ressy: Naku sinabi mo pa. (sabay pag-ikot ng kanyang mga mata)

Joan: Haysss...(dismayadong mukha)

Ressy: Akin na nga yang laptop mo.

Joan: Bakit?

Ressy: Basta

Joan: Sige na nga (sabay abot kay Ressy ng kanyang laptop)

Pagkaabot ni Joan ng laptop niya kay Ressy. Kinuha na muna ni Joan ang isang aklat-sanggunian para sa kanyang practical exam upang basahin ito.

Napapangiti itong si Ressie sapagkat ang walang kamalay-malay na si Joan ay kanya na namang napaglaruan.

Gumagawa na ng resignation letter itong si Ressy para kay Joan.

Ressy: Hindi ba't andami mo na ring hinaing sa paaralang ito.

Joan: Oo, bakit mo naman naitanong.

Ressy: Tingnan mo itong laptop mo. (may pagpipigil na tawa)

Joan: Naku po Ressy pinaglaruan mo na naman ako. Pero ayos yan.

Ressy: Print na ba natin?

Joan: Loko ka talaga.

Ressy: Bakit naman? Para Matapos na reklamo mo. Hindi ba?

Joan: Oo aminado naman ako na reklamador ako dahil nga halos hindi tayo pinapakinggan ng mga admin natin. Subalit, hangga't natitiis ko, pagtitiyagaan ko na muna ito.

Ressy: Wow isa kang bayani!